

ინფორმაცია ინტერესთა კონფლიქტის შესახებ

ქ.თბილისი

19 სექტემბერი 2016 წელი

“სახელმწიფო შესყიდვების შესახებ” საქართველოს კანონის მე-8 მუხლის შესაბამისად, სსიპ “თბილისის საერთაშორისო ხელოვნების საფესტივალო ცენტრის” დირექტორი ეკატერინე მაზმიშვილი, ხელის მოწერით ადასტურებს, რომ გამარტივებული შესყიდვის საშუალებით შესყიდვის განხორციელებაში სსიპ „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრის“ მონაწილეობა არ იწვევს ინტერესთა კონფლიქტს.

დირექტორი

ეკატერინე მაზმიშვილი

ეკატერინე მაზმიშვილი



TBILISI INTERNATIONAL FESTIVAL OF THEATRE

ხელშეკრულება მომსახურების გაწევის შესახებ №19/09-2

წინამდებარე ხელშეკრულება დადებულია 19 სექტემბერი 2016 წ.

მხარეები:

ერთის მხრივ, საჯარო სამართლის იურიდიული პირი „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“ წარმოდგენილი მისი სამხატვრო ხელმძღვანელის დიმიტრი ხეთისიაშვილის სახით (შემდგომში „მომსახურების გამწვევი“),

და

მეორეს მხრივ, საჯარო სამართლის იურიდიული პირი “თბილისის საერთაშორისო ხელოვნების საფესტივალო ცენტრი“, წარმოდგენილი მისი დირექტორის ეკატერინე მაზმიშვილის სახით (შემდგომში “მომსახურების მიმღები”)

მომსახურების გამწვევი და მომსახურების მიმღები ცალ-ცალკე მოხსენიებულნი არიან როგორც “მხარე” და ერთად როგორც “მხარეები”,

მხარეები მოქმედებენ რა საქართველოს მოქმედი კანონმდებლობის შესაბამისად, დებენ წინამდებარე ხელშეკრულებას (შემდგომში “ხელშეკრულება”) და თანხმდებიან შემდეგზე:

1. ხელშეკრულების საგანი

1.1 წინამდებარე ხელშეკრულების საფუძველზე მომსახურების გამწვევი უწევს მომსახურების მიმღებს შემდეგი სახის მოსახურებას:

უთმობს მოზარდ მაყურებელთა თეატრის დიდ სცენას 2016 წლის 25 სექტემბერს 22:00 საათიდან დეკორაციის მონტაჟისათვის, 2016 წლის 26 სექტემბერს 09:00 საათიდან რეპეტიციისათვის და სპექტაკლის “წყლად გადაიქცევი” (კარი ჰოას პროდაქშენი) გასამართად, 2016 წლის 03 ოქტომბერს 09:00 საათიდან რეპეტიციისათვის და სპექტაკლის “მეფე ჯონი” (გ. სუნდუკიანის სახელობის ერევნის ნაციონალური აკადემიური თეატრი) გასამართად (შემდგომში “სპექტაკლები”), უწევს ტექნიკურ მომსახურებას, რაც დაკავშირებულია სპექტაკლების გამართვასთან (შემდგომში ყოველივე მოხსენიებულია როგორც “მომსახურება”); (ტექნიკური მომსახურების ზუსტი ჩამონათვალი მითითებულია ხელშეკრულების №1 დანართში).

1.2. CPV- 79952100, მომსახურების შესყიდვა განხორციელდა გამარტივებული შესყიდვის საშუალებით „სახელმწიფო შესყიდვების შესახებ“ კანონის 10¹ მუხლის მე-3 პუნქტის „დ“ ქვეპუნქტის საფუძველზე (საქართველოს მთავრობის 2016 წლის 07 ივლისის განკარგულება №1355). SMP მოდულში რეგისტრაციის ნომერი: SMP160001575.

2. მომსახურების ღირებულება და ანაზღაურების პირობები

2.1 მომსახურების ღირებულება 1.1. პუნქტში გათვალისწინებული მომსახურებისათვის შეადგენს 2000.00 (ორიათასი ლარი და 00 თეთრი) ლარს საქართველოს კანონმდებლობით დადგენილი შესაბამისი გადასახადების გათვალისწინებით;

2.2. მომსახურების მიმღების მიერ მომსახურების ანაზღაურება წარმოებს უნაღლო ანგარიშსწორებით, შესაბამისი მიღება-ჩაბარების აქტის საფუძველზე, არაუგვიანეს 2016 წლის 25 ნოემბრისა;

2.3. მომსახურება გაწეული იქნება შემდეგ მისამართზე: ქ. თბილისი, დ. აღმაშენებლის გამზ. №99/1.

3. მომსახურების გამწევის უფლება-მოვალეობები

3.1 მომსახურების გამწევი ვალდებულია:

- ა) უზრუნველყოს ამ ხელშეკრულებით გათვალისწინებული მომსახურების გაწევა სრულყოფილად და ხარისხიანად;
- ბ) საჭიროების შემთხვევაში მომსახურების მიმღებს მისცეს უფლება მასპინძელ თეატრში დაამონტაჟოს დამატებითი განათება;
- გ) გამოიყენოს სრული ტექნიკური აღჭურვილობა რაც მასპინძელ თეატრს გააჩნია (განათება, გახმოვანება და ვიდეოპროექცია);
- დ) მომსახურების მიმღები სრულად უზრუნველყოს ტექნიკური ჯგუფის მომსახურებით მასპინძელი თეატრიდან;
- ე) მომსახურების მიმღები სრულად უზრუნველყოს მოთხოვნილი (ყველა საგრძობით) საგრძობითობით;
- ვ) მომსახურების მიმღებს დაახვედროს ტექნიკურად აჭურვილი და გამართული თეატრი.

3.2 მომსახურების გამწევი უფლებამოსილია:

მოსთხოვოს მომსახურების მიმღებს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

4. მომსახურების მიმღების უფლება-მოვალეობები

4.1 მომსახურების მიმღები ვალდებულია:

- ა) სრულად აუნაზღაუროს მომსახურების გამწევს ხელშეკრულებით გათვალისწინებული თანხა;
- ბ) დროულად მიაწოდოს მომსახურების გამწევს ხელშეკრულებით გათვალისწინებული მომსახურების გაწევისათვის საჭირო დოკუმენტაცია ან/და ინფორმაცია;
- გ) მომსახურების გამწევს მოთხოვნისთანავე მისცეს მას ზეპირი ან წერილობითი ახსნა-განმარტება ხელშეკრულებით გათვალისწინებული მომსახურების გაწევასთან დაკავშირებით;

4.2 მომსახურების მიმღები უფლებამოსილია:

მოითხოვოს მომსახურების გამწევს წერილობითი ან ზეპირი განმარტებები იმ საკითხებთან დაკავშირებით, რომელიც შედის მომსახურების გამწევის კომპეტენციაში.

5. ხელშეკრულების ინსპექტირების პირობები

5.1 მომსახურების მიმღები უფლებამოსილია მომსახურების გაწევის პარალელურად მოახდინოს მომსახურების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და მომსახურების მიმღების მოთხოვნებთან.

5.2 ხელშეკრულების ინსპექტირებას მომსახურების მიმღების მხრიდან განახორციელებს ტექნიკური ადმინისტრატორი ქეთევან ლებანიძე.

5.3 შემოწმების შედეგად გამოვლენილი ნებისმიერი ნაკლის ან დეფექტის შესახებ მომსახურების მიმღები დაუყოვნებლივ წერილობით აცნობებს მომსახურების გამწევს დაწუნებული მომსახურების ნაწილის და წუნდების მიზეზების მითითებით.

5.4 მომსახურების გამწევი ვალდებულია დაუყოვნებლივ გამოასწოროს გამოვლენილი დეფექტი ან ნაკლი.

6. მომსახურების მიღება-ჩაბარების წესი

6.1 მომსახურება გაწეულად ჩაითვლება შესაბამისი „მიღება-ჩაბარების“ აქტით, რომელიც დადასტურდება მომსახურების გამწვევისა და მომსახურების მიმღების უფლებამოსილი წარმომადგენლების ხელმოწერით.

7. ხელშეკრულებაში ცვლილებების შეტანა

7.1 ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

7.2 ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები მომსახურების მიმღებისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მომსახურების მიმღებისა და/ან მომსახურების გამწვევის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

9. მხარეთა პასუხისმგებლობა ხელშეკრულების პირობების დარღვევისათვის

9.1 წინამდებარე ხელშეკრულების პირობების დარღვევისათვის მხარეები პასუხს აგებენ მოქმედი კანონმდებლობის შესაბამისად;

9.2 მხარეებს უფლება აქვთ, მოსთხოვონ მეორე მხარეს, ხელშეკრულების პირობების დარღვევით მიყენებული ზიანის ანაზღაურება;

9.3 ზიანის ანაზღაურება არ ათავისუფლებს მხარეებს, წინამდებარე ხელშეკრულებით ნაკისრი ვალდებულებების შესრულებისაგან.

10. ხელშეკრულების შეწყვეტა

10.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს მომსახურების გამწვევს დანარჩენი ვალდებულებების შესრულებისაგან.

10.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

11. დავების გაწვევების წესი

11.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ მომსახურების მიმღები და მომსახურების გამწვევი ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12. სხვა პირობები

12.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2016 წლის 25 ნოემბრამდე.

12.2 ხელშეკრულება შედგენილია ქართულ ენაზე 2 ეგზემპლარად და აქვს თანაბარი იურიდიული ძალა.

მომსახურების მიმღები:

სსიპ „თბილისის საერთაშორისო ხელოვნების საფესტივალო ცენტრი“

მის: შარტავას ქ. №7

ს/კ 205280177

სახელმწიფო ხაზინა, ხაზინის ერთიანი

ანგარიში

ბ.კ TRESGE22

მომსახურების გამწვევი:

სსიპ „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“

მის: დ. აღმაშენებლის გამზ. №99/1

ს/კ 202063989

სახელმწიფო ხაზინა

ბ.კ TRESGE22

ა.ა 708197173

დირექტორი:

ეკატერინე მარტოშვილი

ე.მ.



სამხატვრო ხელმძღვანელი

დიმიტრი ხეთისიაშვილი

(ბ.ა.)



მომსახურების გაწევის შესახებ
2016 წლის 19 სექტემბრის №19/09-2 ხელშეკრულების
დანართი №1

მომსახურების გამწევი ვალდებულია:

1) სპექტაკლების გამართვის უზრუნველსაყოფად გამოყოს მომსახურების მიმღების მიერ შერჩეული ტექნიკურ-საორგანიზაციო ჯგუფი:

ა) სპექტაკლისათვის “წყლად გადაიქცი”:

1. ერთი გამნათებელი;
2. ერთი რადისტო;
3. ოთხი სცენის მემანქანე;
4. ერთი ჩამცმელი.

ბ) სპექტაკლისთვის „მეფე ჯონი“:

1. ერთი გამნათებელი;
2. ერთი რადისტო;
3. ოთხი სცენის მემანქანე;
4. ერთი ჩამცმელი.

2) უზრუნველყოს სცენის ტექნიკური გამართვა, განათება, ხმის აპარატურა, კაპელდინერები სრულად.

3) თეატრის მომზადება:

ა) დალაგება

ბ) დარბაზის და საგრიმიროების მოწესრიგება.

მომსახურების მიმღები:

სსიპ „თბილისის საერთაშორისო
ხელოვნების საფესტივალო ცენტრი“

მის: შარტავას ქ. №7
ს/კ 205280177

სახელმწიფო ხაზინა, ხაზინის ერთიანი
ანგარიში
ბ.კ TRESGE22

მომსახურების გამწევი:

სსიპ „ნოდარ დუმბაძის სახელობის
მოზარდ მაყურებელთა პროფესიული
სახელმწიფო თეატრი“

მის: დ. აღმაშენებლის გამზ. №99/1
ს/კ 202063989

სახელმწიფო ხაზინა
ბ.კ TRESGE22
ა.ა 708197173

დირექტორი:

ეკატერინე მაზმიშვილი

20

20



სამხატვრო ხელმძღვანელი

დიმიტრი ხუთისიაშვილი



(ბ.ა.)